

ՀԱՅ-ՎՐԱՑԱԿԱՆ ԱՊՍՏԱՄԲՈՒԹՅՈՒՆԸ ՍԱՍԱՆՅԱՆ ԻՇԽԱՆՈՒԹՅԱՆ ԴԵՄ (482—484 թթ.)

Պատմ. գիտ. լոկտոր Կ. Ն. ՅՈՒՋԲԱՇՅԱՆ (ԼԵՆԻՆԳՐԱԴ)

482—484 թթ. ապստամբությունը պատկանում է, անշուշտ, մեր միջնադարյան ապստամբության ամենից խոշոր դեպքերի շարքին: Այն եղել է V դարի օրգանական ծնունդ, արտահայտել հակասությունների մի բարդ հանգույց և մեծ ազդեցություն գործել հետագա տարիների պատմական ընթացքի վրա: Այդ շարժումը միանգամայն համեմատելի է Վարդան Մամիկոնյանի ղեկավարած ապստամբության հետ (450—451 թթ.): Մինչդեռ, եթե Վարդանանց պատերազմը մանրամասն ուսումնասիրված է, եթե նրա հերոսներին նվիրված են ոչ միայն պատմագիտական աշխատություններ, այլև վեպեր ու պոեմներ, նրանց պատկերել են նկարիչներ ու քանդակագործներ, առաջ երկրորդ ապստամբությունը մնացել է ինչ-որ չափով ստվերի տակ: Բավական է ասել, որ թյուրիմացության պատճառով այն մինչև վերջին ժամանակներս անգամ սխալ է թվագրվել¹:

Այդ վիճակը բացատրելու համար հարկավոր է հաշվի առնել հետևյալ հանգամանքները: Հայոց եկեղեցին հաստատած է եղել հատուկ մի առում՝ «Սրբոց Վարդանանց զօրավարացն մեքոց»՝ հազար երեսուն և վեց վկայից, որք կատարեցան ի մեծի պատերազմին»: Այդ օրը նըշվում է զոհվածների հիշատակը, ուստի երևույթը որպես այդպիսին մնում է մարդկանց հիշողության մեջ, ստանալով հատուկ փալ: Վահանի ապստամբությունը ևս ունեցել է սուրբ նահատակներ, սակայն նրանք չեն արժանացել նույն համբավին, ինչ որ Վարդան Մամիկոնյանը և յուրայինները: Իյուս կողմից, առաջին ապստամբության զինավոր սկզբնաղբյուրը՝ Եղիշեի ճեման վանքի Հայոց պատերազմին» երկը զրկված է հատուկ ոճով, որը 15 հարյուրամյակ անընդհատ ոգևորել է ընթերցողին, առաջացրել յուրատեսակ հուզական տրամադրություն: Երկրորդ ապստամբության ղեկավոր, փաստորեն միակ սկզբնաղբյուրը Ղալար Փարպեցու աշխատությունն է: Այդ երկը ևս մեր հին պատմության լավագույն կոթողներից է: Նրան ևս հատուկ են գրական բարձր, եզակի արժանիքներ: Բայց այդ հատկությունների մեջ թափանցելու, համապատասխանորեն գնահատելու համար հարկավոր է պարզաճ ուսումնասիրություն: Իսկ Եղիշեի կրճատ լեզուն հասկանալի է բոլորին: Ահա թե ինչու Վահան Մամիկոնյանի զինավորած շարժումը լայն հասարակական հանաչում չի գտել, այլև մանրակրկիտ հետազոտության չի ենթարկվել: Սույն հոդվածով նպատակ ունենք ինչ-որ չափով ծածկել եղած բացը, միաժամանակ հիշեցնելով ընթերցողին, որ 1984 թ. լրացել է այդ հուժկու շարժման հաղթական ավարտի 1500-ամյակը:

* * *

Մեծ Հայքի բաժանումը Պարսկաստանի և Բյուզանդական կայսրության միջև (387 թ.) և Արշակունյաց հարստության վերացումը հայոց աշխարհի արևելյան հատվածում (428 թ.) դիտվել են և շարունակում են դիտվել որպես շրջադարձային երևույթներ. կորցնելով սեփական պետականությունը, Հայաստանը ոտք է գնում մի բոլորովին նոր դարաշրջան: Արդյո՞ք արդարացված է այդպիսի ծայրահեղ տեսակետը: Ինչ խոսք, և՛ 387 թ., և՛ 428 թ. խորհրդանշում են հայոց պատմության մի նոր շրջանի սկիզբը: Սակայն զրկվելով սեփական թագավորական իշխանությունից, յուրեր կարողացան պահել նախկին պետական կառուցվածքի մի շարք կարևոր հաստատություններ և դրանով ապահովեցին լայն չափերի հասնող ինքնավարություն: Մարզպանության վերածված Հայաստանում մարզպան են նշանակվում տեղացի նախարարներ (մինչև

¹ Հմմտ. Կ. Ն. Յուժբաշյան. Ե՞րբ է սկսվել Վահան Մամիկոնյանի զինավորած ապստամբությունը. — «Պատմա-բանասիրական հանդես», 1984, № 1:

VII դարի կեսերը՝ ոչ պակաս քան 6 (ոգի)։ 432 թ. սպասումը հայերը Սահակ Բագրատունուն ընտրում են մարզպան, նույն տարվ նաև, որ ըմբոստանում են ոչ թե ինստիտուտի դեմ (չնայած մարզպանի պաշտոնն էր մարմնավորում պարսից շահանշահի գերագույն իրավունքը Հայաստանի նկատմամբ), այլ այն կարգի դեմ, երբ այդ պաշտոնը հանձնվում է եկվոր պարսիկի։ Ինչպես էլ որ գնահատելու լինենք Վասակ Սյունու վարքագիծը 450—451 թթ. ապստամբություն ընդադրում, ոչ մի կերպ չի կարելի անտեսել, որ նա եղել է տեղացի, հայ նախարար։ Կատարյալ սովորենությունը հայերը, ինչպես միշտ, կապել են սեփական թագավորության հետ և չեն շփոթել այն ինքնավարության հետ (որքան էլ լայն շախմատի հասած լինեք վերջինս)։ Սակայն V դարի առաջին կեսին հայոց թագավորությունը վերականգնելը եղել է անհնարին, հայերը դալու են գրիտակցել և ձգտել են ապահովել միայն ինքնավարությունը, թեկուզև պարսից գերիշխանության ներքո։

Ինքնավարությունը արտահայտվել է նաև նրանում, որ սպարապետի բարձր պաշտոնը մնացած է եղել Մամիկոնյան տոհմում (մինչև արարական արշավանքը՝ 6 սպարապետ)։ Միայն 449 թ. է վերացվել այն ավանդույթը, որի համաձայն հաղաթափում է նշանակվել տեղացի նախարարը (այդ թվականին պաշտոնից հեռացվել է Վահան Ամատունին)։ Արշակունյաց շրջանում մաղխազը եղել է թագավորական թիկնապահների պետ։ Բացառված չէ, որ թագավորական իշխանության վերացումից հետո ևս մաղխազությունը, թեև փոխելով իր բովանդակությունը, շարունակել է գործել որպես հատուկ ինստիտուտ։ Լինելով, ինչպես և հետո, մաղխազական, այդ գործակալությունը մնացել էր խորհրդունիների տոհմում։

Հայտնի է Եղիշեի խոսքը՝ Արտաշես II Արշակունու գահադուրյն լինելուց հետո «ի նախարարսն Հայոց տնկանէր թագաւորութիւնն. զի թէպէտ և զանձն յարքունիս Պարսկաց Երթայր, սահայն ալրուձին Հայոց բովանդակի ձեռն նախարարացն առաջնուպէր ի պատերազմի»²։ Այդ դրույթը արտահայտության մեջ շեղում է ինքնավարության բոլոր էությունը. ուղղակի ուժը մնացել է նախարարների ձեռքում, գերագույն հրամանատարը՝ սպարապետը, տեղացի իշխան է, ուստի նախարարներն են երկրի տերերը։

Ինքնավար ինստիտուտ է եղել նաև հայոց եկեղեցին՝ նվիրապետական առումով նա դեռևս կախում ունի Կեսարիայի մետրապոլիտոսից, այդ քաղաքում են ձեռնադրվել հայոց կաթողիկոսները առնվազն մինչև Սահակ Պարթևը (վաթ. 139 թ.)։ Սակայն որպես հասարակական օրգանիզմ, քաղաքական բացահայտ ֆունկցիաներով, այն եղել է անկախ ոչ միայն Բյուզանդական կայսրությունից, այլև Սասանյաններից։

Իրեւ մարդկություն Արեւելյան Հայաստանը կալման մեջ է եղել անշուշտ պարսից պետությունից։ Բայց իրենց տիրույթներում նախարարներն են մնացել իշխաններ։ Նույնը վերաբերում է նաև եկեղեցական հոշատիքությանը։

Այսպիսով, չնայած Հայաստանը գտնվել է պարսից շահանշահի գերիշխանության ներքո, երկրում տիրել է որոշ հավասարակշռություն, և հենց այդ վիճակն էին ձգտում ապահովել հայերը։ Պոթիկումն առաջանում էր այն դեպքում, երբ այդ հավասարակշռությունը խախտվում էր³։ Այդպիսի խախտում է տեղի ունեցել Վարդանանց պատերազմի նախօրեին՝ ընդդրելով հասարակական կարգի կարևորագույն ոլորտները։

Միջնադարյան Հայաստանի հասարակարգը եղել է սահմանափակ։ Հասարակական սահմանափակված վրա իրենց կայուն տեղն են ունեցել արտոնյալ ոչ միայն առանձին դասեր, այլև այդ դասերը կազմող առանձին տոհմեր և անհատներ։ Գահաձեռնությունը է եղել նախարարական տոհմերի նախարարական ուժն ու կշիռը, իսկ այդ կարգը փոփոխվում էր միայն ծայրահեղ պայմաններում։ Հազիբյան II-ը (438—457) հենց այդպիսի քայլերի դիմեց. «Սկսաւ ալնուհետեւ յառաջ կողել զկրսեւրս յաւագոց և զանարգս ի պատուականոց և զտգէտս ի գիտոց և զանարիս ի քաջ արանց. և զի՞ մի մի թուիցեմ, այլ զամենայն զանարժանս յառաջ մատուցանէր և զամենայն արժանաւորսն յետս տանէր. մինչև զհայր և զորդի քակէր ի միմեանց»⁴։ Համոզում էր

2 Եղիշի վասն Վարդանայ և Հայոց պատերազմին. ի լոյս ածեալ բաղդատութեամբ ձեռագրաց աշխատութեամբ Ե. Տեր-Մինասեան. Երևան, 1957, էջ 6, տող 6—9։

3 Այն տեսակետը, թե իբր V դարում Հայաստանում սեփական թագավորությունը վերականգնելու փորձեր են եղել, թվում է մերժելի։ Եղիշեի տվյալները հիմք չեն տալիս նման եզրակացության, իսկ ուշ շրջանի հեղինակների պատմածը առասպելական բնույթ է կրում. հակառակ կարծիքը տե՛ս В. С. Н а т о б а н д я н. Египше. Ереван, 1972, с. 153—162։

4 Եղիշե, էջ 16, տող 17—21։

նախարարներին ուրանայ քրիստոնեությունը, գալթակղեցնում նրանց ոսկով ու արծաթով, դուրսերում ու ազարակներով, իսկ «զումանս պատուովը և իշխանութեամբը մեծամեծօք»⁵։ Հակառակ դրան, երբ Տիգրան ժամանած նախարարները (Վասակ Սյունին, Վարդան Մամիկոնյանը և մյուսները) չեղ կանգնեցին իրենց հովատքից, ապա արքայից արքան այլ պարգևներ չեղ մեկնելու «զոլաթիւս և զգանս իորոզլը»։ յառաջ մատուցանելով և երեւելի առնելով ընդ ամենայն արեւելեան իշխանութիւնն»⁶։

439 թ. Հաղկերտ II-ր սկսեց իր մշտական թշնամի «բռշանները» դեմ ուղարկել նաև հաւերին, վրացիներին, աղվաններին, անդրկովկասյան այլ ժողովուրդներին՝ «որոց ոչ էին օրէնք երթալ դաշն անապարհ յառաջ ժամանակաւ»⁷։ Այդ քայլը ևս մի զգալի խախտում էր եղած ստորոշմի և անպայման սխիտ զժգո՛նութիւն առաջացնելը։ Հնդանուր առմամբ հայոց այրուձին մեծ համարով է ունեցել պարսից արքունիքի աչքում, ուստի եղած կարգի լուրաքանչլուր փոխիլով իշուն Հայաստանում ընկալվում էր հիվանդագին ձևով։ Այդպիսի վիճակ է տիրել մինչև 449 թ.։

Ինքնավարության բացահայտ խախտում է եղել հետեւյալը. 449 թ. Հայաստան է ժամանում պարսից արքայի վասակալ Դենշապուհը։ Նրա կողմից ձեռնարկված միջոցառումներից ամենից շարագունքը, բոտ իղիշի, եղել է հաղարապետի պաշտոնի հանձնումը պարսիկի՝ «որ հաղարապետն էր ուշխարհին, իբրև զիշալը վերակացու համարեալ էր աշխարհականաց օրիստոնէից՝ զորոնաց յարուց զամբաստանութիւն ի վերայ նորա, և հանեալ զնա ի գործոցն՝ փոխանակ նորա պարսիկ ած յաշխարհն, և մնաւ ևս մոզպետ՝ զատաւոր աշխարհին, զի զեկեղեցւոյն փառսն առաւ աղեցնէն»⁸։ Հաղարապետը վարում էր աշխարհի տնտեսական գործերը (Հայաստանում նրա պաշտոնը բոտ երեւոյթին այլ էր, քան հարեան Աղվանքում կամ Պարսկաստանում)⁹։ Դենշապուհը հիմնական հանձնարարութիւնն է եղել՝ աշխարհագիր անել Հայոց երկրում հարկերը բարձրացնելու համար։ Պարզ է, տեղացի հաղարապետը (իսկ այդ պաշտոնը վարում էր Վասակ Անատունին, որի երկրում է վախճանվել և հղին հանձնվել Մաշտոցը) կարող էր միայն զիմարել պարսից աստիճանավորին։ Այդ գործակալութիւնը ընդմիջտ զհաց հաշիւի ձեռքից։ V դարի վերջերին Տեկուրի հայտնի արձանագրութիւն մեջ հիշատակվում է ոմն Մանան հալաւապետ. արդլո՞ք նա տեղացի էր¹⁰։ Ինչ վերաբերում է պարսիկ զատավորին, ապա նրա ներկայութիւնը նր զհալում էր նաև Լիկեղեցու շահերին՝ եպիսկոպոսի իրավասութիւնը (աշխարհիկ զատավորի կողքին) եղել է շատ լայն։

Դենշապուհը ժամանել էր Հայաստան իբր հարկերը վերացնելու և այրուձին պահելու տուրքերը կրճատելու նպատակով։ Իրականում նրա քայլերը ճիշտ հակառակ ուղղվածութիւն են ունեցել։ Երկրի հարկը նա ավելի ծանրացրեց, հաղորդում է եղիշին։ Հայտնի է, որ քրիստոնյա երերում Եկեղեցիին օգտվում է հարկային իմունիտետի իրավունքից, իսկ Դենշապուհը եկեղեցու «առաւորութիւնն» «ծառալութիւն» տակ դրեց, այսինքն դարձրեց այն հարկատու։ Աշխարհագրի տակ ընկան նաև վանականները (ուստի նրանք ևս պիտի հարկ վճարեին)։ Հարկերը ծանր էին, շարունակում է մէր հեղինակը, «որովհետեւ որտեղից պետք էր հարկուր զանկան տանել, կերկնապատկին էին առնում, այսպես էլ [հարկի տակ] դրին եպիսկոպոսներին և երեցներին, ոչ միայն շեն, այլև ավերակ տեղերը։ Մանավանդ, ո՞վ կարող է պատմել, թե ինչպիսի ծանր տուրքեր ու սակեր, բաժեր ու հասեր էին նշանակված լեռների, դաշտերի և անտառների վրա։ Առնում էին ոչ թէ ինչպես վայել է պետական արժանապատմութիւնը, այլ ավագակարար հափըշտակելով, այն աստիճան, որ իրենք էլ մեծապես զարմանում էին՝ թե մի տեղից որ այսքան

5 Նույն տեղում, էջ 17, տող 2—4։

6 Նույն տեղում, էջ 50, տող 19—22։

7 Նույն տեղում, էջ 10, տող 10—11։

8 Նույն տեղում, էջ 23, տող 7—11։

9 Հաղարապետի մասին տե՛ս Н. Г. Адонц. Армения в эпоху Юстиниана. Ереван, 1971, с. 445—446; С. Тоуманофф. Studies in Christian Caucasian History. Georgetown, 1963, p. 205—206, n. 233; Ս.-Ա. Ա. Կոստանյան. «Հաղարապետ» տերմինի ստիւն.—«Պատմա-բանասիրական հանդես», 1983, № 2—3։

10 Н. Я. Марр. К датировке ктиторовской надписи Текорского храма.—Христианский Восток, № 3, 1915, с. 66—67, 71; Կ. Գ. Ղաֆադարյան. Տեկուրի տաճարի V դարի հայերեն արձանագրութիւնը և ժողովրդային այրուքների տառաձեւերը.—«Պատմա-բանասիրական հանդես», 1962, № 2, էջ 44, 51—52։

4 «Հանդիս», № 1

դանձ է դուրս գալիս, էլ ինչպե՞ս է շեն մնում այդ աշխարհը: Այնուամենայնիվ, որքան և ծանր էին Դեմոկրատիկ միջոցառումները, ոչ ոք նրան չընդդիմացավ, որովհետև բացահայտ կերպով դեռևս ձեռք չէին տալիս եկեղեցուն¹¹:

Եղիշեի վերջին միտքը նշանակալից է: Հակառակ նրան, որ Դեմոկրատիկ ներամոծությունները թուլացնում էին եկեղեցու նյութական հիմքը՝ «չև ևր ուրուք ձևոն արկեալ յայտնի յեկեղեցին»: Թեև, հեղինակի ասելով, Հաղկերտը իր գահակալության երկրորդ տարուց սկսել էր հայաժողովրդի քրիստոնյաներին, դրդել նրանց ուրացություն և այլն, սակայն եկեղեցու «ուխտը»¹², եկեղեցական կազմակերպությունը ամուր էր: Արարողությունը շարունակվում էր տաճարներում, ուստի նյութական կորուստները կարելի էր հանդուրժել: Իսկ երբ սլարսիկները ձեռք բարձրացրին եկեղեցու վրա՝ ձգտելով վերացնել նրա հաստատությունները, հայերը դիմադրեցին բացահայտ կերպով: Ինչպես գիտենք, ապստամբությունը սկսվեց նրանից, որ Հայաստան ժամանած մոզերը ջարդեցին Անգղ գյուղաքաղաքի եկեղեցու դռները. տեղի երեց Ղևոնդը իսկույն ազմուկ բարձրացրեց, և Անգղի բնակիչները դադանակները ձեռքերին, դուրս շարժվեցին բռնադատներին և սկսեցին կիրակնօրյա արարողությունը: Այդ միջադեպից հետո ապստամբությունը դարձավ ընդհանուր¹³:

Ինչպիսի՞ք բնույթ է ունեցել Վարդանանց պատերազմը, եղե՞լ է այն կրոնական թե՛ ոչ՝ ահա մի հարց, որը շարունակում է բնարկվել զիտական գրականության էջերում¹⁴: Հարցը ինքնին ենթադրում է հակադրություն, մինչդեռ իրական վիճակը այն բացառում է: Կարելի է վիճել՝ ինչն է ավելի նպաստել ընդհանրմանը՝ հարկերի ծանրացումը, կրոնական հալածանքը, բռնի կրոնափոխությունը, նախարարական կարգի խախտումը և այլն: Կարևորն այն է, որ բախումը տեղի է ունեցել Բիստունյա հայերի և զբաղաշտակա՞ն սլարսիկների միջև, սրանց հարել են ուրացողները: Միջնադարյան սղղը հանդես է եկել շատ դեպքերում իբրև եկեղեցական համայնք, դրա օրինակներից մեկն է հայ ազգը: Եթե իրական ինքնագիտակցությունը համընկել է այստեղ դավանականի հետ: Ազգային ազատության շրջապատի առկայությունը նպաստել է այդ ընթացքին: Սեփական գիրն ու կրոնականությունը (որոնց շնորհիվ քրիստոնեությունն ավելի խոր արմատներ էր ձգել երկրում) պայմաններ ու նախադրյալներ է ստեղծել, որպեսզի արագ կերպով զարգացող հասարակական ինքնագիտակցությունը գտնի նաև զբաղվող արտահայտություն: Իհարկե, ազգային սպառնալիքի պատճառով զիտակցվել և արտահայտվել է նաև այլ ձևերով: Այսպես, «Հայք» (հայեր) հասկացության կողքին ունենք նաև «հայաստանեայք», այսինքն մի երկրի, մի տարածությանը պատկանող ժողովուրդ: Հայերը առանձին հատված են կազմում շնորհիվ իրենց լեզվի, ասում է Փավստոս Բուզանդը¹⁵: Զիտակցվել է նաև ընդհանուր ծագումը, սերումը մի նահապետից, լինի՞ր դա Ասքանազ, Թորգոմ թե՛ Հայկ¹⁶: Այդ նահապետներն իրենց

¹¹ Եղիշե, էջ 23: Եղիշեի Վարդանանց պատմությունը, թարգմանությամբ և ծանոթագրություններով պրոֆ. դ-ր Ե. Տեր-Մինասյանի. Երևան, 1958, էջ 27—28:

¹² «Միտք» հասկացության մասին տե՛ս մասնավորապես՝ Elis he. History of Vardan and the Armenian War. Translation and Commentary by Robert W. Thomson. London, England, 1982, p. 9 etc.

¹³ Սոզերը Հայաստան հասան շորրորդ, այսինքն Տրէ ամսին. 450 թ. այն տեղի է նույնմբերի 4-ից մինչև դեկտեմբերի 3-ը: Անգղի միջադեպը տեղի է ունեցել նրանց գալուստից 25 օր հետո, այսինքն նույնմբեր-դեկտեմբերի կիրակի օրերից մեկին: Այդ տվյալները քաղում ենք Եղիշեից: Ըստ Վազար Փարպեցու՝ ապստամբության որոշումը ընդունված է եղել 450 թ. գարնանը, իսկ ամռանը («հասնալ ամիսը տոթոյն ջերմութեան») ապստամբ հայոց զորքը արդեն կենտրոնացել էր Սաղկոտն գավառի Անգղ ամրոցի շուրջ՝ «զայն տեղօք արարեալ բանակետեղս արանց՝ դադարէին անդ զաւուրս տօթոյն» (Եղիշե, էջ 58: Ղազարայ Փարպեցու Պատմութիւն հայոց և Թուրք առ Վահան Մամիկոնեան, աշխատութեամբ Գ. Տեր-Մկրտչեան և Ստ. Մալխասեան. Տփղիս, 1904, էջ 60):

¹⁴ Տե՛ս թեկուզ Բ. Շ. Կ а л б а н д я н. Указ. соч., с. 151—153 и сл.

¹⁵ «Իբրև զկուրս մոլորեցան երկիրն լեզուին Թորգոմական աշխարհին», «աշխարհ ամենայն Հայոց լեզուին», «ազատք և շինակունք... հայ լեզուն առհասարակ» (Փաւստոսի Բուզանդացու Պատմութիւն Հայոց. ՍՊԹ, 1883, էջ 28, 90, 192: Մինեկոյան յուրացված պիտի լինի Հին և Նոր կտակարանից, հմմտ. Դան. Դ, 4, 7. Ե, 19. Զ, 25. Է, 14: Ա Կորն. ԺԲ, 10, 28):

¹⁶ Հղումները ամփոփված են՝ Հ. Ա ճ ա ո յ ա ն. Հայոց անձնանունների բառարան. Ա, էջ 251—252, Բ, էջ 343—345, Գ, էջ 31—33:

հերթին սերում են բիրլիական պատրիարքներից, և Հայկի առասպելը, որը ծնունդ է առել դեռևս Հեթանոսական Հայաստանում, լստանում է նոր՝ քրիստոնեական խմբագրություն:

V դարում Հայոց եկեղեցին դեռևս չի հակադրվել «տիեզերական» (իմա՝ կայսերական) եկեղեցուն, բայց այնուամենայնիվ հա արդեն վեր է ածվել կաղձակերպական առանձին միավորի, և նրա որդիք դիտում են իրենց իբրև հույ քրիստոնյաներ: Ղազար Փարպեցու ասածից երևում է, որ Վասակ Սյունու փեսա Վարադվազանը ուրանում է ոչ թե քրիստոնեական վերացական ուսմունքը, այլ այն, որ սերմանել էր ամեն մի հոգու մեջ «նահատակն և առաքելայն Հայոց Գրիգորիս»¹⁷:

Խնարհե, անգամ V դարում քրիստոնեությունը դեռևս չէր դարձել համատարած երևույթ: Հեթանոսական սարերը եղել է զորեղ, անցած դարերը բավական չէին այն ամբողջությամբ վերացնելու համար: Ավարայրի ճակատամարտի մասնակիցներից շատերը մկրտված են եղել միայն նախորդ զինվորա ժամերին¹⁸: Նոր ուսմունքը կարող էին խորն ընկալել միայն լավ գրահասն պատրաստություն ունեցողները: Չնայած նրան, որ գիրն ու գրականությունը տարածված է եղել ոչ միայն հոգևորականներին, այլև աշխարհիկ ազնվականների շրջանում¹⁹, լայն զանգվածները համար քրիստոնեությունը եղել է ոչ այնքան փոխադասական ու բարոյագիտական գրոշմների համակարգ, որքան հատուկ խորհրդանիշ: Բայց այդպիսի պարզունակ ընկալումն անգամ նպաստել է ուսմունքի գործունյա ուժին: Այն էլ ավելացնենք, որ արարողությունները, որոնցից սկսվել և որոնցով ավարտվել է մարգու: կյանքը, իրենց հերթին նպաստել են, որպեսզի քրիստոնեությունը ընկալվի և սփականացվի իբրև հատուկ սեմիոտիկ նշան: էլ չենք ասում, որ լուսատեյաները, իրենց բարքն ու կենցաղը զանազան բնագավառներում շեշտակի տարբերել են աշխարհամանկից: Մոգությունն ընդունած Գուգարքի բյուզնդ Վաղվանը հայտնում է իր տիկնոջը՝ Վարդան Մամիկոնյանի դուստր Շուշանիկին, որ մտադիր է մի ուրիշ կին ևս բերել Պարսիստանից, միաժամանակ ամուսնանալ իր հարազատ զուսեր հետ: Քրիստոնյայի աչքում այդպիսի բայը պիտի դիտվեր անվեր քան զաղբելի:

Այսպիսով, պաշտպանելով քրիստոնեությունը և քրիստոնեությունը զրադաշտության դեմ, հարևր, ինչպես նաև վրացիներն ու աղվանները, պաշտպանել են իրենց անկախությունը (հնարավոր սահմաններում) և իրենց կացութաձևը որպես այդպիսին: Իսկ Սասանյանները, որոնք ձեռնադրում էին հարևան պատակ ժողովուրդներին ամեն ինչում տոնամանեցնել իրենց, իրացնելով իրենց հարձակողական քաղաքականությունը՝ պիտի դիմեին բռնի կրոնափոխության: Մաղղեպանը ուսմունքը III դարից սկսած եղել է զրադաշտության պաշտոնական ճյուղավորումը. այդ ուսմունքն ի նկատի ունեն հայ պատմիչները, երբ խոսում են «մոգության» մասին: Եվ դրան են դիմադրել՝ հանուն փրկչի և ավետարանի՝ պարսիկներին ենթակա քրիստոնյա ժողովուրդները:

Հարկ չենք համարում ևս մեկ անգամ շարադրել Վարդանանց պատերազմի ընթացքը՝ առն հայտնի է յուրբարոնչուր հայազետի: Նշենք միայն, որ ապստամբությունը եղել է կարճատև: Բացահայտ դիմադրությունը սկսվել է, ամենայն հավանականությամբ, 450 թ. ամռան ամիսներին, այսինքն՝ Ենգղի բախումից: Ավարայրի ճակատամարտը տևել է ունեցել 451 թ. մայիսի 26-ին²⁰: Հակառակ նրան, որ հայերն այդ ճակատամարտում կորցրել են 1036 հոգի, իսկ պարսից

¹⁷ Ղ ա զ ա ր Վ ա ր ւ ի ց Ե ց Ի, էջ 39, տող 26—29: Տվյալ դեպքում բոլորովին կարևոր չէ, որ Վարադվազանի օրոք Գրիգոր Լուսավորչի պաշտամունքը ղեկս չէր առաջացել, ուստի այդ ուսմունքը Ղազար Փարպեցու ասածը պետք է դիտել իբրև անգիտակցված անաբրոնիզմ:

¹⁸ Ե ղ Ի շ Է, էջ 114:

¹⁹ Այսպես, Վարդան Մամիկոնյանի մասին ասվում է, որ նա «չույժ հմուտ էր և ընդել գրոց ընդդապնետո:թեան, ուսեալ և խրատեալ ի սուրբ հայրապետէն Սահակայ ի հաւուն իւրմէ»: Ղ ա զ ա ր Վ ա ր ւ ի ց Ե ց Ի, էջ 52, տող 32—33: Նույնն է ասում նաև Կորյունը (Վարք Մարտոցի, Երևան, 1941, էջ 58, տող 19—21), հմտ. Ե ղ Ի շ Է, էջ 105, տող 1—2:

²⁰ Ծախտամարտի օրվա մասին հղիչ են ոչինչ չի հաղորդում, իսկ Ղազար Փարպեցին ասում է, որ նախորդ օրը եղել է Պենտեկոստե մեծ տոնի ուրբաթ օրը: Տոմարական պարզ հաշիվներից երևում է, որ 451 թ. հիշատակված ուրբաթը համընկել է մայիսի 25-ին, ուստի մարտը տեղի է ունեցել մայիսի 26-ին («հին», հուլյան տոմարով): Գրականության մեջ տարածված է նույն մի ուրիշ ամսաթիվ՝ 2 հունիսի 451 թ.: Այդ ամսաթիվը հենվում է Մ. Չամչյանի սխալ հաշիվների վրա (Մ. Չամչյան. Պատմություն Հայոց. Բ, Վենետիկ, 1785, էջ 474—495: Մ. Օրմանեան. Ազգապատում. Կոստանդնուպոլիս, 1912, սյուն. 372—373):

կողմը (պարսիկ «Նեթանոսները» և հայ ուրացողները)՝ 3544, Հայաստանում այն դիտել են որպես պարտություն նաև ապստամբների համար («Քաջք ընդ քաջս էլեալ՝ երկոքին կողմանքն ի պարտութիւն մատնեցան»²¹)։ Դիմադրությունը, ճիշտ է, շարունակվել է մինչև տարվա վերջը։ Սյարայրից հետո ամիսներ անց Հայաստանի բազմաթիվ բերդերում հրաժարվում էին ենթարկվել թշնամուն։ Սակայն Վարդանանց պատերազմի վախճանը բացահայտ էր։

Մենք գիտենք, որ հայերի շարժումը (որին որոշ չափով հարել էր Աղվանքը) մեծ անհանգրստություն էր պատճառել պարսից արքունիքին։ Ըսկառամարտից անմիջապես հետո շահանշահը դավաճանական կասարալ ազատություն է ապահովում քրիստոնյաներին, անգամ ուրացողներին կողմ է անում վերադառնալ իրենց բուն առտնուն։ Փախստականները թույլտվություն են ստանում ետ գալ հայրենիք։ Հարկային լուծը թեթևանում է, ալեյի դյուրին են դառնում այրուձի պահելու պայմանները²²։ Վասակ Սյունու փոխարեն Հայաստանում մի նոր մարդու պես է նշանակվում՝ Ատորոմիդդ Արշական, այսինքն Արշակունյաց տոհմից։ Սակայն գերի տարված նախարարները մնացին աքսորում, իսկ հոգևորականների մի մեծ խումբ, կաթողիկոսի գլխավորությամբ, տանջալից մահով աւարտեց կյանքը։

Ինչպես և Վարդանանց պատերազմի նախորդող տարիներին, ձեռք բերված հավասարակշռությունը եղել է անկայուն։ Մթնոլորտը զնալով խտանում էր, ապստամբության գաղափարը սկսել էր տարածվել թե՛ Հայաստանում, թե՛ Վրաստանում։ Նոր բախումը դարձել էր անխուսափելի։

* * *

Մեր գիտելիքները 482—484 թթ. ապստամբության մասին բխում են փաստորեն միակ սկզբնաղբյուրից՝ Ղազար Փարպեցու «Հայոց պատմությունից», որը հեղինակը շարադրել է V դարի վերջերին կամ VI դարի սկզբներին։ Ղազար Փարպեցու գրչին է պատկանում նաև հռչակավոր Թուղթը՝ ուղղված Վահան Մամիկոնյանին։ Այդ Թուղթը գրվել է ապստամբությունից հետո, բայց Պատմությունից առաջ, ևինչով առաջնակարգ սկզբնաղբյուր հայոց մտավոր կյանքն ուսումնասիրելու համար, Թուղթը միաժամանակ մանրամասն տեղեկություններ է պարունակում հեղինակի մասին։ Ղազարը եղել է ապստամբության ապագա առաջնորդ Վահան Մամիկոնյանի մանկության ընկերը, բուրեկամական հարաբերությունները շարունակվել են մասնաշաղկապ տարիներ։ Նա մասնակցել է ապստամբությանը, լինելով Կամսարականների կողքին, մոտ է եղել նաև մյուս նախարարներին և իր տեղեկությունները քաղել է իրազեկ մարդկանցից։ Ապստամբությանը նվիրված է Պատմության երրորդ գրվածը։ Չնայած սկզբնաղբյուրը եզակի է, ուստի արտաքին ստուգման ենթակա չէ, ներքին քննությունը համոզում է, որ Ղազար Փարպեցու աշխատությունը ստույգ տեղեկություններ է պարունակում շարժման ինչպես նախապատմության, այնպես էլ բուն ընթացքի մասին։ Հեղինակի շարադրանքին կարելի է լիովին վերստանալ²³։

Հաղկերտ II-ը վախճանվում է 457 թ.։ Որպես ժառանգորդ հանդես է գալիս նրա Որմիդդ որդին, սակայն մյուս որդին՝ Պերոզը, իսկույն ըմբոստանում է, երկամյա անընդհատ կռիվներից հետո սպանում է թագաժառանգին ու մնացած եղբայրներին և զառնում միահեծան արքայից արքա։ Գահ բարձրանալով Պերոզը կատարում է իր խոստումը և ազատ արձակում աքսորյալ նախարարներին։ 464 թ. նրանք վերադառնում են հայրենիք, օտարություն մեջ անցկացրած

²¹ Տե՛ս Եղիշէ, էջ 119, տող 9—11։

²² Եղիշէ, էջ 130—131. Վերևում ասացինք, որ 449 թ. պարսիկ Դենշապուհը եկել էր Հայաստան նման փոփոխություններ ներմուծելու համար, սակայն նրա գործունեությունը ընթացել էր ճիշտ հակառակ ուղղությամբ։

²³ Ղազար Փարպեցու Պատմության առաջին գրվածը նվիրված է 387—440 թթ. անցքերին, երկրորդը՝ 450—451 թթ. ապստամբությանը։ Այդ երկրորդ գրվածը որոշ նմանություն ունի Եղիշէի աշխատության հետ, սակայն նրանց փոխհարաբերության հարցը շարունակում է լինել վեճի առարկա։ Միակ դիտական հրատարակությունը լույս է տեսել 1904 թ. (տե՛ս ծան. 13)։ Այժմ տե՛ս նաև՝ Ղազարայ Փարպեցու Պատմությունը Հայոց. Թուղթ առ Վահան Մամիկոնյան. Ժնևական բնագիրը Գ. Տեր-Մկրտչյանի և Ստ. Մախոսյանի, աշխարհաբար թարգմանությունը և ծանոթագրությունները Բազրատ Ուլուբաբյանի. Երևան, 1982։ Հեղինակի մասին տե՛ս Մ. Աբեղյան. Երկեր. հ. Գ, Երևան, 1968, էջ 343—376։ Կ. Ն. Յուզբաշյան. Ղազար Փարպեցի.—«Պատմա-բանասիրական հանդես», 1983, № 4, էջ 179—183։

լինելով շուրջ 13 տարի: Ինչպիսի՞ն է եղել մթնոլորտը մայր երկրում V դարի 60—70-ական թթ.:

Վարչական առումով փոփոխություններ չեն եղել: Հայոց աշխարհը մնացել է առանձին մարդպանություն Ղվին մայրաքաղաքով՝ պահպանելով ինքնավարության ինստիտուտները: Սակայն նախարարության վերաբերմամբ քաղաքականությունը փոխվել էր, ավելի շուտ այն երեւելովները, որոնք ինչ-որ չափով բացահայտվել էին արդեն Վարդանանց պատերազմից առաջ, այժմ աշրի Լին ընկնում ամենուրեք:

Մեր խոսքը վերաբերում է նախ և առաջ ուրացությանը: Որպես երևույթ այն ծագում է մի շրջանում, երբ Սասանյան գերիշխանությունը՝ դեռևս Արշակունյաց Հայաստանում, սկսել էր իրեն ավելի ու ավելի զգացնել տալ: Ուրացությունը սլուրսկամետության ծնունդ է, այն աճել է քաղաքական հողի վրա և «անկեղծությունը» թե «կեղծավորությունը» այստեղ ոչ մի դեր չեն խաղացել: (Ուրպես քաղաքական կողմնորոշում պատկամետությունը իհարկե եղել է ավելի լայն, բան ուրացությունը, այդ տեղեկացրեմ միշտ չէ, որ արտահայտվել է կրոնափոխությամբ): Ուրացողներն են եղել արդեն IV դարի երկրորդ կեսին, հիշենք թևկուզ Մեհրուժան Արծրունուն և Վահան Մամիկոնյանին, որոնց լինդհանրացրած պատկերները կերտել է Փավստոս Բուզանդը: Նրկիրի բաժանումից և հատկապես մարդպանության կազմակերպությունից հետո ուրացությունը սովելի ու ավելի է սարածվել: 450—451 թթ. ապստամբությանը նախորդող տարիներին և ապստամբության ընթացքում այն արտահայտվել է լայն կերպով: Ավարայրի ճակատամարտում հայ բրիտանյանները դեմ են դուրս եկել նաև հայ ուրացողներին:

Վարդանանց ապստամբությունից հետո ուրացությունը ստացել էր աչքի ընկնող հասարակական երևույթի որակ: Եթե մինչ այդ խոսք էր լինում մեծ մասամբ անհատների մասին, ապա ապստամբությունից հետո ուրացությունը զանգվածային բնույթ էր ստացել: Խոսելով ուրացողների մասին, Ղազար Փարպեցին օգտագործում է դաււ, ջսկէ, վաղանգ բառերը (էջ 116. 23, 120. 33, 126. 4 և այլն)²⁴: Թե՛ Հայաստանում, թե՛ Վրաստանում առաջանում է ուրացողների մի առանձին շերտ:

Եղել են դեպքեր, երբ կրոնափոխությունը ակա՛հա մի դիպում էր, մի հնարավորություն՝ ապահովելու սեփական քաղաքական գիծը: Այդպիսին է եղել Վարդան Մամիկոնյանի և նրան շրջապատող նախարարների ուրացությունը Տիգրանում 450 թ.: Այդպիսին է եղել նաև սպարապետ Վահան Մամիկոնյանի ուրացությունը՝ նման պայմաններում: Գիտական գրականության մեջ ընդունված է որակավորել Վարդանի և մյուսների քայլը «առերես» ուրացություն, ասես այլ դեպքերում ուրացությունը եղել է անկեղծ, այսինքն ծագել է հոգեբանական հողի վրա: Իրականում ուրացությունը բոլոր պարագաներում եղել է հասցիոնալ մի քայլ՝ համենայն դեպս մենք ի վիճակի ենք վերլուծել այդ երևույթը միայն այդ տեսանկյունից, ուրիշ կարգի փաստական տվյալներ չունենք: Արդի սլատմագետը որակավորում է ուրացությունը որպես երևույթ՝ դիտելով ուրացության առանձին օրինակները հատուկ քաղաքական կոնտեքստում: Մինչդեռ դեպքերին ժամանակակից հասարակական կարծիքը նրանց մոտեցնել է որպես զուտ կրոնական հողի վրա կատարված վճռական քայլերի, հրաժարվելով տեսնել որևէ երանգ: Հավատարիմ միացածների կարծիքը ուրացողները՝ նկատմամբ եղել է խիստ բացասական, անկախ նրանից, թե ինչ սլածաններում կամ ինչ նպատակով է ուրացել այս կամ այն անձնավորությունը: Եղիչեն նկարագրում է այն ղայրույթը, որը առաջացավ Հայաստանում Վարդանի և մյուսների ուրացության կապակցությամբ, չնայած հեղինակը նշում է, որ հայ նախարարները կատարել են Հազկերտի կամքը «իր բէ»²⁵, Իսկ Ղազար Փարպեցին՝ Վահանի ուրացության դեպքում չի բավարարվում հաւարական բողոքի նկարագրությամբ և իր կողմից մեղադրանքի խոսքեր է ուղղում իր բարեկամի և հովանավորի հասցեին:

Սրակապաշտություն ընդունած ուրացողների համար սրբություն չկա նաև նոր տարերքում: Ենվ ի ձենք ըստ կողմն ելեալ սակաւ մի՝ միզեն ի կրակն, և յանթել զաղբ իւրեանց արկանեն», — այդպես է արտահայտվում նրանց մասին Վահան Մամիկոնյանը, պարսից զորավարի հետ բանակցելիս (էջ 136. 39—40): Ուրացողները ոչ այնքան նոր կրոն, որքան նոր դիրք էին

²⁴ Հնդկածի բուն շարադրանքում այստեղ և ստորև հղում ենք Ղազար Փարպեցու՝ 1904 թ. հրատարակության համապատասխան գլուխներն ու էջերը, անհրաժեշտության դեպքում կետից հետո նշելով սովյալ էջի նաև տողերը:

²⁵ Ե զ ի շ է, էջ 50. 9: Ղազար Փարպեցին ավելի պարզ է արտահայտվում՝ նախարարները խոնարհեցին գլուխները «խաբէութեամբ», «պատճառաւօք և ոչ նշարտութեամբ» (էջ 53. 38—40 և այլուր):

բնդունում: Իսկ երբ պայմանները փոխվում էին, ապա այդ նորաթուխ կրակապաշտները հեշտությամբ վերադառնում էին իրենց նախնիների հավատքին: 482 թ. հայերը ապստամբության որոշում են ընդունում. ավետարանի վրտ երգվում են միաբանությանը թե՛ քրիստոնյաները, թե՛ ուրացյալները, դարձանալի պարզությանը արձանագրում է Ղաչար Փարպեցին (էջ 120. 12—13):

Ուրացությունը հարվածում էր քրիստոնեությանը ներսից, հայ եկեղեցին, բնականաբար, չէր կարող անտարբեր մնալ: Սկզբում է, որ իր հիմքի ամրապնդելու համար հենց այդ պահին է եկեղեցին նպաստել Գրիգոր Լուսավորչի պաշտամունքի առաջացմանն ու տարածմանը²⁶: Միայն այդ շրջանում է Գրիգոր Լուսավորչի դառնում հայ եկեղեցու գլխավոր սուրբը, նախքան այդ նա մնացած է եղել կատարյալ անհայտության մեջ (Գրիգորին շեն ճանաչում ո՛ւնի Կորյունը, ո՛չ Կոչընդի Կոչընդցին, ո՛չ Նդիշեն), բայց նրա կերպարը առկա է Ղաչար Փարպեցու Պատմության էջերում: Իր երկը Ղաչարը դիտում է որպես Նորոգող պատմություն, այն կաղմում է Ազաթանդեղոսի է: Փափսոտու Բուզանդի շարունակությունը: Ազաթանդեղոսը ամբողջությամբ նվիրված է Գրիգոր Լուսավորչին, Փափսոտուը մանրամասն խոսում է Լուսավորչի ծառանքների մասին:

Վարդանանց պատերազմի շրջանում պարսիկները հաճախ բռնի կերպով էին քրիստոնյաներին ենթարկում կրոնափոխության: Հաջորդ շրջանում նման քայլերի մասին պատմիչը չի խոսում: Ուրացությունը, որ թափ է ստանում հենց այդ շրջանում, չինում է կամավոր, առանց բացարձակ շնչման: Այն արտոնությունները, որոնք ակնկալում էին ուրացողները, եղել են բաւական, որպեսզի դրդեն նրանց դիմելու այդ քայլին: Ուրացության վտանգը հասկացել էր ոչ միայն եկեղեցին, այն կոսհեղ էին նաև աշխարհիկ քաղաքական գործիչները: 484 թ. Վահան Խամսիկոնյանը թվարկում է շինադադարի և նրան հաջորդող խաղաղության պայմանները: Առաջին պայմանն է՝ «զհայրենի և զբնիկ օրէնս մեր ի մեզ թողութ, և զհայր զոր մի՛ մող ոչ առնէք, և ումեք յաւագս մոգորւեալն զան և պատիւ շտայլ» և առհասարակ պիտի ապաշոված լինի քրիստոնեության ազատությունը (էջ 161. 11—15):

Հայ նախարարների տեղը հասարակական աստիճանի վրա ընդհանրապես պիտի լինե՞ր կայուն: Այդ տեղը որոշված էր զահեմակով, որի հիմքում ընկած է եղել հենց անշարժության դադարափարը: Մինչդեռ պարսից արքունիքը, երբ ժամանակ առ ժամանակ հաստատում էր զահեմակը, հաճախակի ձգտում էր վերանայել նրա մեջ արտահայտված զահեմի հերթականությունը, ետ ու առաջ անել ազնվական տոհմերը: Առաջնություն են ստանում «անտոհմիկները», իսկ բռնի ազնվականությունը ասիպմած է լինում հետ նահանջելու: Ահա այդ խախտումն է նկատի ունեցել Վահան Մամիկոնյանը՝ նվարտակի դաշնադրության առաջին կետը շարադրելիս: «Անտոհմիկները» զիմում են ուրացություն և դրա զիմաց ստանում հոր արտոնությունները: Պարզվում է, որ հավատարիմ մնացած նախարարները տուժում են ոչ այնքան պարսիկ զորագլուխներ: Բռնությունից, որքան «յարձմարհանաց և ի նախանձոէ ի յետին իշխանացն Հաւոց, որք ուրացութեանն գոռողացեալ ամբարհաւանէին ի ժամանակին» (էջ 118. 25—28): Պարսից զորավար Միհրանի հետ բանակցություններ վարելիս Վահանը (ըստ Ղաչար Փարպեցու) մի երկար ճառ է արտասանում: Իսկական թագավորը, համոզում է նա իր հակառակորդին, պիտի կարողանա լավ ծառայել զանազանել վատից: Հույսատանը մեծ և պիտանի երկիր է, բայց ո՞վ է այստեղ արժանաչե՞րապես, թագավորի զինությունը ստացել տանտեքություն: Իշխանությունը պատկանում է ավադակներին և անպիտաններին, հացկատակներին և վաւտոնմիկներին: Անտոհմիկները, վատտոնմիկները ետ են մղում տոհմիկներին, գրավում նրանց տեղերը: Նման երևույթներ, Հաղկերտ II-ի օրոք, գրանցել էր արդեն Նդիշեն²⁷: Սակայն այդպիսի բաւարականությունը իսկական թափ է ստանում Վահանի ապստամբությանը նախորդող շրջանում:

Պատմիչների առածից պարզվում է նաև մի ուրիշ հանգամանք՝ վատտոնմիկներն ու անպիտանները միաժամանակ ուրացողներ են՝ «ընդ կրակի փառս զենն և տէրութիւն» (էջ 136. 38—39): Սխալ կլինե՞ր, իհարկե, ուրացությունը կրպել միայն այդ նորեկների հետ. մենք գիտենք, որ ուրացողների շարքերի մեջ են մտել նաև ամենից բարձր նախարարական տոհմերի ներկայացուցիչները՝ Սյունի, Խորխոռունի, Բագրատունի և այլն: Կարևորն այստեղ այն է, որ

²⁶ П. М. Мурadian. Кавказский культурный мир и культ Григория Просветителя.—В сб. Кавказ и Византия, III. Ереван, 1982.

²⁷ Նդիշեն, էջ 16. 17—19՝ «սկսաւ աշխուհեալ յառաջ կոչել զկրսեբս յաւագաց և դահարսս ի պատռականաց» և այլն. տե՛ս վերևում, էջ 49:

նոր պայմաններում ուրացությունն էր ճանապարհ հարթում դեպի բարձր պաշտոններն ու տիրությունները, դեպի դահն ու պատիվը: Այդ տենդենցը պնդում և ուժ էր ստանում:

Նման քաղաքականություն էին վարում պարսիկները նաև Վրաստանում: 484 թ. գարնանը Վիրք է ներխուժում գորապետ Զարմիշի Հազարավրիտը: Նրան հաջողվում է իր շուրջ ժողովել վրաց ուրացողներին: Ինչպիսի՞ միջոցներով. «...ումենն թագաւորութիւն խոստանայր, և ումենն դա՛: և պատիւ և պարգև լագում, և այլոց բազմած զպլտս իւրաքանչիւր» (էջ 146. 23—24):

Նշված հանգամանքները՝ ուրացությունը և ավանդական կարգերի խախտումը շարունակ բողոք են առաջացրել, որը և իր ծայրահեղ արսուձայնությունը գտավ ապստամբության մեջ: Նախարարները դժգոհ էին նաև վարչակազմի համակարգից: Անկարելի է, բացատրում էր Վահան Մամիկոնյանը պարսիկ Միհրանին, որ արքայից արքան կառավարի երկիրը ուրիշ միջնորդությամբ («տեսանել այլոյ աչօք և լսել այլոյ ականջօք», էջ 136. 29—30): Նույնպես և 484 թ., առաջարկելով խաղաղության պայմանագրի նախագիծը, Վահան Մամիկոնյանը պահանջում է, որպեսզի արքան «ինքն տեսցէ իւրովը աչօք, և ինքն լուիցէ իրովք ականջօք» և «ինքն գիտացցէ և ինքն խօսեսցի իւրով բերանով» են (էջ 161. 30—31): Սրանք սարսիկ ակնարկներ են այն գրծ-պոփոխության, որն առաջացել էր մարդպանի իշխանության: զեմ: Նախարարները պահանջում էին, որ իրավունք ունենան դիմել շահնշահին առանց միջնորդի: Դա չի նշանակում, թե նրանք բողոքում էին մարդպանության դեմ որպես ինստիտուտի, հաստատության: Բայց նրանք ձգտում էին, որպեսզի փոխվի այդ հաստատության առօրյա գործունեությունը:

Սասանյանների զավթանական քաղաքականությունը, նախարարական իշխանության ավանդական կարգերի խախտումը, մարդպանի վարչակառուցության ոտնձգությունները՝ ահա այն հանգամանքները, որոնք, ըստ Ղազար Փարպեցու, ազդեցություն ունեցան շարժման պատճառ դարձան (մեր հեղինակը խոսում է սովորաբար Վահան Մամիկոնյանի բերանով): Բայց այդ բոլոր հանգամանքների խորքում ընկած է մի ամբողջական պարագա: Դժգոհություն էր առաջացնում հարկ իշխանությունը որպես այդպիսին: Ե՛վ հույները, և՛ վրացիները ստեղծել էին իրենց՝ բարձր քաղաքակրթությունը, որը սկզբունքորեն տարբեր էր պարսկականից: Իրար էին բախվում ինչ-որ շփով հակամերձ աշխարհներ:

* * *

Պարսից գերիշխանությունը Հայաստանում, Վրաստանում, Աղվանքում ապահովում էր միայն ուժը: Բավական էր, որ այդ ուժը թուլանար՝ իսկույն ձգտում էր առաջանում թոթափել Սասանյանների իշխանությունը: Երբ Հաղկերտ II-ի մահից հետո Պարսկաստանում ստեղծվեց խառը վիճակ, անմիջապես առաջացան Աղվանից թագավոր Վաչեն: Նա օգնության կանչեց մասթթաց զորքը, պարսիկները իրենց հերթին դիմեցին խալդուկների միջամտությանը: Մեկ տարի տևեց պատերազմը, որից հետո պարտված թագավորը ետ ուղարկեց Պարսկաստան մտն ու տիկնոջը, իսկ ինքը հրաժարվեց գահից ու հեռացավ իրեն հատկացված գավառը: Վաչեն քրիստոնյա էր ծնվել, պարսիկները նրան դարձրել էին կրոնապաշտ: Ապստամբելով նա վերադարձավ իր նախնիի զավանանին, իսկ հրաժարվելով թագավորությունից՝ դարձավ կրոնավոր: Անշատվելու տրամադրություններ էին դարձնել նաև Հայաստանում: Ղազար Փարպեցին ասում է, որ Գլուտ կաթողիկոսը և նրա շրջապատը տարակուսանքի մեջ են եղել՝ փախչե՞լ երկրից, թե՞ օգնություն խնդրել և ասպատակել: Նրկու անգամ ղեսպաններ են ուղարկում Լևոն I (457—474) կայսեր գլուխը, նա խոստանում է գալ օգնության, բայց հապաղում է, և ոգևորությունը ինքն իրեն վերանում է (էջ 113. 1—4):

Ուրացողները հայտնում էին, որ գաղտնի ծրարներ է մշակում նաև սպարապետ Վահան Մամիկոնյանը՝ «ոչ է հնար սմա առանց ապստամբութեան կալ ի Հայս»: Հիշեցնում էին Վահանի նախնիների մասին՝ «ով է ի հոցանէ ոչ խոռվեցոյց զԱրեաց աշխարհ և ոչ արար մեծամեծ վնասս և մահունս»: Կզս ժամանակը, և նա ձեզ նույն վնասը կհասցնի: Պնդում էին, որ Վահանը մտադիր է փախչել կայսեր կամ հոների մոտ՝ իր հետ տանելով աշխարհի ողջ ոսկին: Այն ժամանակ, ժողովրդը հավաքելով Էդա՝ ոսկին, Վահանը ստիպված եղավ ներկայանալ արքայից արքային և փորձ արեց արդարանալ: Ամենայն հավանականությամբ, այդ նրան չհաջողվեց, նա ստրկված էր (ձիշտ ախպես, ինչպես և նրա հորեղբայր Վարդան Մամիկոնյանը) ուրանալ քրիստոնեությունը՝ «տկարանայր ի հաւատն», — ասում է պատմիչը (զլ. կն)՝²⁸:

²⁸ Ավելի մանրամասն՝ Կ. Ն. Յուզբաշյան. Ե՞րբ է սկսվել Վահան Մամիկոնյանի ապստամբությունը, էջ 96—97:

Հիմք կա մտածելու, որ Հայաստանում իրոք որ ծնվելով էին ապստամբության ծրագրեր, բայց արտաքին պայմանները հակառակ էին դեռևս պարսից շահանշահին:

Առաջին վճռական բայլը կատարեցին Վարան վրացիները՝ 482 թ. վրաց Վաթիթան I Գորգասալը (446—502) սպանեց Գուգարքի բղջիկ Վաղգենին: Այդ արարքը ճիշտ հասկանալու համար հարկավոր է փոխ-ինչ խորանալ վերջին հարյուր տարվա վրաց պատմության մեջ: Ճիշտ այնպես, ինչպես Հայաստանում, Վրաստանում էլ ըստովում էին Սասանյանների և Հռոմեական (Բյուզանդական) կայսրության շահերը: Կայսրությունը իրեն էր ենթարկել Արևմտյան Վիրքը, արևելյան հատվածում ձգտում էին հաստատվել Սասանյանները: Սակայն Բյուզանդական կայսրությունը իրեն բավարարված չէր զգում, փորձեր էր անում նվաճել երկրի նաև հակառակ տարածությունը: 370-ական թթ. երկու հակառակորդները համաձայնեցին բաժանել Արևելյան Վրաստանը (նախկին վիճակը վերականգնվեց, հավանաբար, արդեն դարավերջին): Ի տարբերություն Հայաստանի, այդ բայլը վարչական որևէ փոփոխություն չառաջացրեց: 387 թ. Հետ Վիրքի կազմի մեջ մտավ Գուգարքը: Ինչպես և դարեր շարունակ, այստեղ տիրում են բյուզանդացիները, սակայն նոր պայմաններում նրանց ֆունկցիաները փոխվել են: Այսուհետև նրանց վիճակվում է աջահովել երկրում պարսից գերագույն իշխանությունը, տեղեկացնել արքունիքը Վիրքում տիրող տրամադրությունների մասին: 450 թ. հայ նախարարների հետ միասին Տիգրան Արշակունցի նաև Աշոտ բղջիկը, մյուսների հետ նա ստիպված եղավ ուրանալ իր հավատքը: Ինչպես և Վասակ Այսուհետ երկու որդիները, նրան ևս Հաղկերտը պահեց իր մոտ որպես պատանդ:

Վարդանանց պատերազմից հետո Աշոտյան վերագրված հարեհիթ, մնալով «ուրացոց» Աշոտյանի Անուշ-Վոսադ կողակիցը և պատերազմում նահատակված Հմայակ Մամիկոնյանի Զվիկ տիկինը հարազատ քույրեր էին: Զվիկը մնում է իր փեսայի հարկի տակ: 455 թ. Աշոտյան հաջողվում է գերությունից ազատագրել Հմայակի որդիներին՝ Վահանին, Վասակին և Արտաշեսին (լուրորդ եղբայրը Վարդը պահվում է Տալուս հսկողության տակ): Եղբայրները ևս մնում են Աշոտյանի տանը: Ընտանիքը սերտ հարաբերությունների մեջ էր Կամսարականների և Արծրունիների հետ՝ երկու տոհմից էլ եղել են նահապետներ: Այստեղ է մեծացել նաև ապագա պատմիչ Ղազար Փարպեցին: Այսպիսով, Աշոտյան ինքը և իր շրջապատը՝ բոլորը տուժել են պարսից իշխանությունից (չնայած ապստամբությունից հետո Աշոտյանի հաջողվել էր ուրիշ բաներ իր բարձր դիրքը): Ինքուրովին այլ մթնոլորտ է տիրում Գուգարքում, երբ բղջիկությունը անցնում է Աշոտյանի որդի Վաղգենին: Վաղգենը ևս խնամիրան կապեր ուներ Մամիկոնյանների հետ՝ նրա Վարդանի-Աշոտյանի կինը Վարդան Մամիկոնյանի դուստրն էր:

Շուշանիկի վկայարանությունից մենք գիտենք, որ Տիգրան կանյվելուց հետո Վաղգենը դարձել էր մոնոթեոս կրակապաշտ, նա փորձում էր իր կողմը քաշել նաև տիկնոջը: Շուշանիկը դիմադրում էր մահն անդամ գերադասելով ուրացությունից: Նա վախճանվեց կրած տառապանքներից²⁹: Նվաճա աղբյուրի մի պարսկամետ, ինչպիսին էր Վաղգենը, սպանվում է Վաթիթան: Ի Գորգասալ թագավորի ձեռքից՝ Այդ սպանությունը պարզ, աներկբայելի նշան է եղել, որ Արևելյան Վրաստանի ընկերները լրամարվել են ճանաչել շահանշահի իշխանությունը և ապստամբել: Վաղգենի սպանությունը տեղի է ունեցել արքայից արքա Պերոդի 25-րդ տարում, այն է՝ 482 թ.:

Հայ գործը այդ տարի գնացած էր եղել Աղվանք, սահմանապահ բերդերի կապազորի ապստամբությունը ճնշելու: Նրանց հետ էին զորապետ Զարմիր Հաղարավուստը և Հայոց ախարարի մարզպան Ասորվշնասպ Հաղմանյանը: Հայերը ցածությունում ընդունեցին Վիրքի ապստամբությունից լուրը, մանավանդ որ Վաթիթանի իբր խոստացել էր պատերազմը վարել հոների միջոցով: Հայ զորականները մի պահ մտածեցին, որ նրանց կարող են ըջել Տիգրան, սակայն երկյուղի անհիմն է եղել: Ասորվշնասպ մարզպանի և Վեհվեհամ հաղարապետի զլխավորությամբ նրանք մասն Շիրակ և այստեղից դեպի անհերք ուղարկեցին սպարապետ Վահան Մամիկոնյանի մոտ, որպեսզի նրան ևս համոզեն միանալ ապստամբությանը: Սակայն սպարապետը տատանվում էր: Ճիշտ է, նա գիշեր-ցերեկ մտածում էր մեջ է՝ ինչպես վերացնել ուրացության կեղծիքը, բայց ապստամբությունը զաղափարը նա մերժում է: Պարսիկները զորեղ են. հոռոմները բուլլ են և խաբեբա, նրանք օգնություն են խոստացել մեր հայրերին և այնուհետև դավաճանել:

29 Շուշանիկը վախճանվեց քաղոց ամսի 17-րդ օրը, բայց մահվան տարեթիվը անհայտ է. միմյու. Памятник армянской агнографии, вып. I. Пер. с древнеармянского, вступительные статьи и примечания К. С. Тер-Давтян. Ереван, 1973, с. 320, прим. 17.

վիրրը մեծ ուժ չունի, նրա այրուձին սակավաթիվ է. հոներին չի կարելի վստահել. բայց ամենից շատ, ասում էր նա, վախեցեք հենց ձեզնից, դուք սուտ ե անվստահ մարդիկ եք: Անուամենայնիվ համաձայնությունը կայացավ՝ թե՛ քրիստոնյաները, թե՛ «ուրացողները» երզվեցին ալեկոտարանի վրա: Հավատարիմ մնալ իրենց զաղափարին (գլ. 49): Հավանաբար հենց այդ ժամանակ դաշինք հաստատեցին վրացիների հետ (տե՛ս էջ 132, 29—30, 133, 12), իսկ հետո, հակասակ որոշ անախորժությունների, հայերը օգնության հասան նեղն ընկած Վախրանգ թագավորին:

Ապստամբությունը սկզբից էեթ եղել է կաղմակերպված: Ապստամբները ճանաչեցին Վահանին Մամիկոնյան տոհմի տանուտեր, ընտրեցին նրան սպարապետ, իսկ Սահակ Բագրատունուն՝ մարզպան: Այդ փաստերը նշանակալից են. ապստամբները պահպանում են եղած վարչական համակարգը, պահպանում են մարզպանի պաշտոնը, այսինքն այն կառուցվածքը, որը իմաստ է ստանում պարսից գերագույն իշխանությունն պայմաններում: Նրանք ընդհանուր առմամբ պատրաստ են ճանաչելու Սասանյաններին, միայն թե դրա հետ մեկտեղ ճանաչվեն նաև հալերի պահանջները: Ղազար Փարսպեյու պատմության մեջ հենց այդպիսի ոգով է բաղմունք ստատահարվում նաև Վահան Մամիկոնյանը, արտասանելով այն ձևերը, որոնք նրան է վերագրում հեղինակը: Կատարյալ անկախությունը եղել է անհնարին, ապստամբները ձգտել են ինքնավարության և ի վերջո հասել իրենց նպատակին:

Գաղտնի իտերոգալիզմի արդյունքները հայտնի են դառնում պարսիկներին: Մարզպանն ու հաղարապետը փոխում են պարսիկներից ու հայ ուրուցողներից կազմված՝ իրենց ենթակա չոկատների դիրքը, կենտրոնացնում նրանց Անի ամրոցի մոտերքում, իսկ իրենք փախչում Արտաշատ: Ապստամբները հետապնդում են նրանց, սուրբայն ապարդյուն. գրավում են Գվինը, սուր պաշարում Արտաշատը: Մարզպանին ու հաղարապետին այս անգամ ես հաջողվում է խուսափել ու փախչել Ատրպատական՝ այն երկիրը, որտեղից դարեր անընդհատ թշնամի բանակները ներխուժել են Հայաստան: Մարզպանին համոզում են, որ Վահանի ուժերը սակավաթիվ են, ո՛չ հոներին, ո՛չ էլ կայսրից նա օգնություն չի ստանալու, ուստի հարկավոր է եռանդուն կերպով գործն առաջ տանել: Ձևերի տակ ունենալով թե՛ իր սեփական, թե՛ հարևան մարզերի տրամադրած՝ զորքերը, պարսից մարզպանի մոտենում է Երասխ գետին (գլ. 45):

Վահանն իրոր զգում էր, որ իր ուժերն անբավարար են և անգամ մտածում էր ամրանալ Տաւրում՝ Մամիկոնյանների ժառանգական իշխանությունը կազմող նահանգում: Հաղթեց, սակայն, հակառակ կարծիքը՝ սպարապետը և մարզպան Սահակ Բագրատունին պիտի մնան ուստանում³⁰ և գրոհեն թշնամուն 400-հոգիանոց մի բանակով: Այդ բանակը մոտեցավ Երասխին, հույս ունենալով հարվածել թշնամուն, երբ նրա կեւր անցած կլինի գետը և ոտք դրած հալոց հողի վրա: Բայց երբ ապստամբները մոտեցան Վարազկերտ գյուղին, պարզվեց, որ թշնամին արդեն ավարտել է անցումը (Ղազար Փարսպեյին հակառակորդի ուժերը հաշվում է 7000 զինվոր): Վահանի եղբայր Վասակ Մամիկոնյանն իր ձեռքի տակ եղած 100 զինվորով դուրս է գալիս հետախույզության և Կովակը գյուղի մոտ հանկարծ հանդիպում թշնամուն: Հրամանատարն իրեն չի կորցնում, առանց կորուստի դուրս է հանում իր ջոկատը: Վահանին հաղորդում է, որ պարսից բանակը մեծ է, սակայն օլովովը ի նոսա անպիտանք են և քերթաքաղ իշավարեան» (էջ 123, 26)³¹: Այնուամենայնիվ նա առաջարկեց ամրանալ լեռնակողմում: Հայերը բանակ կազմեցին Ակոռի գյուղի մոտ, Լրասխի ստորոտում: Հենց այստեղ տեղի ունեցավ առաջին մեծ ճակատամարտը:

Ինչպես ասացինք, հալոց զորքը եղել է փոքրաթիվ՝ 400 հոգի 7000 պարսիկների դիմաց: Հակառակորդի թե՛ պահին Գարջոյ Խորխոռունի մազլազը միանում է թշնամուն: Երկու կողմն էլ կռվում էին կատաղությամբ. ճակատամարտում սպանվում է մարզպան Ատրվշնասպը: Սակայն հայերի վիճակն էլ տագնապալից էր. երկու նախարար անգամ լուր ուղարկեցին Գվին պարտության մասին, բայց անմիջապես հետո ժամանեց սուրհույնակը, հայտարարելով, որ հաղթանակը հայերի կողմն է:

Ջախջախելով պարսից բանակը հայ մարտիկները կարողացան հանգիստ անցկացնել ձմեռը:

³⁰ Արշակունիների երեւմտի տիրույթը Հայաստանի կենտրոնական մասում, ուր գտնվում էին թե՛ Գվինը, թե՛ Արտաշատը. ուստան է կոչվել նաև մայրաքաղաքը՝ Դվինը:

³¹ Քերթաքաղ՝ հին ու մին քուրդեր՝ ցեղատիներ հավաքող, իշավարեան՝ իշավար գոյականի հոգնակին. տե՛ս Ս. Մ. Մալխասյան. Հայերեն բացատրական բառարան. IV, էջ 570:

483 թ. պարսիկները նոր արշավանք ձեռնարկեցին: Ինչպես և նախորդ տարում, նրանք շարժվում էին Ատրպատականից, փոշտիկյան սաղար Ատրնեսի գլխավորությամբ³²: Վահան Մամիկոնյանը անմիջապես դուրս եկավ Դվինից նրան ընդառաջ և բանակեց ներսեհապատ գլուղի մոտ, Արտազ գավառում: Բանակում էր գտնվում նաև Հոհան Մանգակունի կաթողիկոսը: Ծակատաժարտը կատաղի էր, հայոց զինվոր մի մասը ետ նահանջեց ու լքեց պատերազմի դաշտը: Սահակ Բագրատունին մենամարտ սկսեց Ատրնեսի հետ, իսկ ներսեհ Վամսարականը սպանեց պարսից զորապետ Ստրվինասայ Տապեանին: Փախստականները հորից մտան մարտիկների շարքերը, բախտը սկսեց ժպտալ հայերին: Ծակատաժարտը ավարտվեց հայերի հաղթանակով: Զորգելով թշնամուն, նրանք վերադարձան «բարի անուամբ և բաղում փառք, լու աւարաւ և սաստիկ ընչիւք» (զլ. ՀԱ):

Նույն գարնան երկրորդ մեծ հաջողությունն էր Վահանի եղբայր Վարդ Մամիկոնյանի փախստաբար պարսիկների ձեռքից և վերադարձը, մանավանդ որ Վարդին հաջողվել էր փախչել «ծառախիբ, դրամբ և կազմածով» (զլ. ՀԲ): Օգոստոսյանը ժամանակին էր, առաջիկայում պատերազմը պիտի ավելի սաստկանար:

Ներսեհապատի ճակատամարտից հետո Վահանի զորքը մնաց Մաղկոտն գավառում, Վարդակի ջերմուկի մոտ: Այդ նույն ժամանակ Վիրք ներխուժեց պարսից Միհրան զորապետը և նեղելով Վախթանգին, հարկադրեց նրան փախչել հայոց լեռները: Ծարաճառալ թագավորը խնդրում է Վահանին դալ օգնություն, և Հայոց զունդը, «վասն զի ուխտադիր էր ընդ թագաւորին Վրաց», անմիջապես դիմեց դևիկ Վիրք: Վախթանգը պնդում էր, որ օգնություն պիտի գտնե՞ր և հոները (բայց նրանք աղյուս էլ չերեցին): Շարժվելով դևիկ Վրաց աշխարհ, հայերը միառժամանակ մնացին Կանգաթ գավառում, ապա մոտեցան Կուր գետին և բանակեցին ծարձանայի կողմում դաշտում: 3 թ 4 օրից երեւաց պարսից բանակը, և այն ժամանակ հայոց զինվոր մի մասը պաշտնի բանակցություններ սկսեց Միհրանի հետ, խոստանալով, որ եթե ներում ստանան, ապա կանցնեն պարսիկների կողմը: Թեև առաջացած պառակտումը թուլացրեց հայերի ուժերը, Վախթանգը համոզում էր զորահրապարակների վրա: Ծակատաժարտը սկսվեց. Մամիկոնյանները և Կամսարականները կոչվում էին հերոսաբար, սակայն հայ ջոկատները ստիպված եղան ետ նահանջել. տագնապ պատեց նաև վրացիներին: Այդ ճակատամարտում սպանվեցին Վասակ Մամիկոնյանը և մարզպան Սահակ Բագրատունին:

Ծարձանայի մարտը տեղի է ունեցել 483 թ. առաջին³³:

Ծարձանայի պարտությունը ստիպեց Վահանին իր ուժերը տեղափոխել Տալք՝ այն երկիրը, որը արդեն Վարդան Մամիկոնյանի օրոք վեր էր ածվել ապստամբ ուժերի յուրատեսակ ապստամբանի: Նրան միացան մյուս փախստականները, բայց այստեղ դիմեց նաև Միհրանը: Պարսից զորապետը կանգ առավ Դու գլուղում, որի վրայով անցնում էր պարսկահայոց սահմանագիծը: Եվ ահա սպարապետի և Միհրանի միջև բանակցություններ են սկսվում: Այն բաները, որոնք Ղազար Փարպեցին վերագրում է Վահանին, անշուշտ զուտ գրական ծագում ունեն, բայց այնուհանդերձ Վահանի խուսերի հիման վրա կարելի է պատկերացում կազմել Հայաստանում (զոհն նախարարական շրջաններում) տիրող տրամադրության մասին: Միհրանը առաջարկում էր Վահանին՝ «յարքայից արքայի ի ծառայութենէ մի՛ ելաներ, և զայնարհո Հայոց մի՛ տար ի վատնումն. ի հնազանդութիւն ե՛կ թագաւորին» ևն (էջ 136. 17—19): Իսկ Վահանը շարադրում էր պարսիկների գործած այն խախտումները, որոնք և առաջացրին ապստամբության վերածված զժգոհությունը (էջ 136—139):

Բանակցությունները չավարտած՝ Միհրանին տնտապսեղիորեն ետ կանչեցին Պարսկաստան: Ծանապարհ ընկնելով, նա իր հետ տարավ Հրաճառ Կամսարականին և Հաղ Սյունուն: Կամսարականին հաջողվեց փախչել, իսկ Հաղ Սյունին պիտի ընտրություն կատարեր մահվան և ուրացության միջև. 483 թ. սեպտեմբերի 12-ին Հաղ Սյունին ավարտեց իր կյանքը որպես վկա:

Միհրանի գնալը Վահանին հնարավորություն տվեց շուրջ առնել: Սպարապետը տեղափոխվեց Ալարատ և ձմեռեց Դվինում: Փաստը նշանակալից է՝ 483—484 թթ. ոչ թե պարսիկները, այլ ապստամբներն են տիրում Հայոց երկրի բուն սրտում՝ ուստանում:

32 Փոշտիկյան սաղար՝ թիկնապահների պետ. Արշակունյաց Հայաստանում այդ պաշտոնին համապատասխանել է մաղխազը:

33 Հաղադիտական գրականության մեջ ընդունված է սխալ թվագրություն՝ 482 թ. համա. Կ. Ն. Յուզբաշյան. Ե՞րբ է սկսվել Վահան Մամիկոնյանի ապստամբությունը, էջ 99, 101:

Ձմեռ էր դեռևս, երբ Վիրքից դեսպաններ եկան, բերելով բոլորովին աներեակայելի մեղքեր։ Նրանց ասելով, մարգարան Սահակ Բագրատունին և սպարապետի եղբայր Վասակ Մամիկոնյանը ճարմանային մարտից հետո կենդանի են մնացել։ Ծանր վերքերով, մեծ փորձություններից հետո նրանք վերջապես ապաստան են գտել ինչ-որ արեղայի մոտ, իսկ այժմ սպասում են, որ իրենց օգնության կգան, և իրենք կրկին կմասնակցեն ընդհանուր պայքարին։ Բերած լուրը Ղազար Փարպեցին անվանում է «սատանայական խօսք արանց անմտաց»։ Սպարապետը մեծ կասկածով է ընկալում այն՝ «դիտակցեալ զեկս պարսիկ գումարտակի յերկիրս Հայոց» խորհեալ խմայան դաշլ, թէ քայքայել կարեմք և պառակտել զժողովումն զօրաց Հայոց որ յոստանի էին, և այսր և անոր ցրուել» (էջ 142. 36—143. 3)։ Այնուամենայնիվ, զիջելով «անխորհուրդ և թեթևամտից մարդոց», մի ջոկատ հն կազմում և ուղարկում Վիրք՝ Մուշեղ Մամիկոնյանի գլխավորությամբ։ Տեղ հասնելով նրանք, անշուշտ, ոչ ոքի չեն գտնում³⁴։

Ավարավից նաև պատերազմական երկրորդ ձմեռը, երբ 484 թ. իր զորքով Հայաստան ներխուժեց Զարմիհր Հազարավուխտը (482 թ. նա եղել էր Աղվանքում, ամրականների ըմբոստությունը մնչելու համար)։ Հայ ուրացողները հասցրեցին հաղորդել նրան, որ Հայոց զորքի կեսը դանդում է Վիրքում, Վահանի ուժերը ոստանում փոքրաթիվ են։ Հաղարավուխտը որոշում է գրգռել Վահանին Դվինի մոտ, այն մայրի անտառի կողմից, որը տնկել էր դեռևս Հայոց արքա խոսրով II Կոտակի։ Վահանը և իր մարտիկները կովում էին քաջարար, սակայն ստիպված եղան նահանջել։ «Քաջարար փախուստ առն հորի» սաստիկ ռճ երկիւղի գուշակ է առ միւս անդից։ Վահանի իր հինամեկնյան զնդի», — նկատում է մեր հեղինակը (էջ 144. 30—31), սակայն դրությունը շատ ծանր էր։ Պարսիկները դուրս չպարտեցին ապստամբներին Դվինից, ճանապարհին վերադարձնելով կաթողիկոսը և քիչ էր մնում գերի ընկնելու։ Նույն օրը Վիրքից ետ եկավ Մուշեղ Մամիկոնյանը, բայց նրան մնում էր միայն միանալ նահանջողներին (գլ. 28)։

Վահանը լավ էր պատկերացնում, թե ինչպիսին է վիճակը։ Նա որոշեց քաշվել խաղաղ, որը գտնվում էր բյուզանդական հատվածում։ Սպարապետն իր զորքով կանգ առավ Վարաժյուրում, Շաղարոմ գավառում։ Հաղարավուխտը հույս ուներ, որ զգալով իրեն անվտանգության մեջ, Վահանը կկուլցնի զգո՞ւթ թյուր։ Նա գրգռեց, և անակնկալի եկած սպարապետը չկարողացավ դիմադրել։ Ղազարն ասում է, որ պարսիկները «զբաղումս ի ռամիկ մարդկանիս Հայոց սպանանէին» (էջ 145. 33—34)։ տեղացի էին դրանք, թե՛ փախստականներ պարսից հատվածից։ Վահանին իր հինամեկնյան ուժերով հաջողվեց այնուամենայնիվ փախչել, ուստի Հազարավուխտի արշավանքը ամենից կարևոր կետում նպատակին չհասավ։ Զարմիհր Հազարավուխտը տեղավորվեց Դու գյուղում, որտեղ անցյալ՝ 483 թ. բանակցություններ էին սկսվել Միհրան զորավարի և Վահան Մամիկոնյանի միջև։ Սակայն արդեն հաջորդ օրը Հազարավուխտը հրաման ստացավ ուղեորվել դեպի Վիրք՝ «զթաղուտն Վրաց զՎախթանգ կամ ունել և կամ սպանանել և կամ ի բաց փախուցանել յաշխարհէն» (էջ 146. 13—14)։ Նշանակվել էր Հայաստանի նոր մարզպան՝ Գապուհը Միհրան տոհմից, իր հատուկ գնդով (գլ. 28)։

Վախթանգը խաղաղորդ նույնպիսի ծանր վիճակում էր գտնվում, ինչ որ և Վահանը։ Երբ Հաղարավուխտն իր զորքով մտավ Արեւելյան Վրաստանի սահմանները, ազատանու մի մասը, ուրանալով, միացավ նրան։ Պարսից զորավարին շրջապատում էին նաև նրանք, ովքեր արդեն առաջ «ընդ արքայից արքայի միաբանութեամբ էին» (էջ 146. 22—23)։ Խոստումներ անելով, Հաղարավուխտը կարողացավ միտքանել այդ բազմությունը («միաբանեցուցեալ զշատս լաշխարհէն Վրաց»)՝ կազմելով մի հատուկ գունդ։ Սեփական հողատակների դավաճանությունը ստիպեց Վախթանգին ապաստան որոնել եզեր շախարհում (էգրիսի)։

Հայաստանում տեղի են ունենում բախումներ, սակայն մեծ նախադասարտեր չեն լինում։ Ղազար Փարպեցին միշտ նշում է ապստամբների հաջողությունները, մինչդեռ նրա շարադրանքից ևս պարզ է, որ Վահան Մամիկոնյանի վիճակը արտակարգ ծանր է եղել։ Սպարապետը կենսորոնացրել էր իր ուժերը պարսկա-բյուզանդական սահմանագծի մոտ, բայց սահմանն անգամ ապահովություն չէր տալիս պարսիկների հարձակումներից։

34 Այս միջադեպը առեղծվածային է. բանն այն է, որ Վասակ Մամիկոնյանի և Սահակ Բագրատունու սպանության պարագաների մասին Ղազար Փարպեցին չի հաղորդում։ «Պատմության» այն ձևագիրը, որից բխում են և բոլոր մյուսները, այդ տեղում ըստ երևույթին մի բաց ունի։ Եթե երբեք գտնվի մի անթերի պրագմիր, հավանաբար կպարզվի, թե ինչ հողի վրա է առաջացել Վասակի և Սահակի կենդանի մնալու առասպելը։

Պետք է ասել, որ հակառակորդի հաջողություններն էլ լին տարակուսելի: Ապստամբությունը շարունակվում էր, չէր հաջողվում ո՛չ ջարդել Վահան Մամիկոնյանին ու Վախթանգին, ո՛չ էլ դերի վերցնել: Պարսիկների համար վտանգ կար, որ հայերը կդիմեն բյուղանդական հատվածում բնակվող իրենց հայրենակիցներին: Ղազար Փարպեցու ասելով՝ Շապուհը կարծիք էր հայտնել, թե անհրաժեշտ է որպեսզի Պերոզը վերադառնա տուն և անձամբ ղեկավարի ուղղական գործողությունները Հայաստանում: Եվ ահա, պարսիկների համար ծանր այդ պահին հայտնի է դառնում, որ հեթանոսների պատերազմում իր մահն է գտել արքայից արքա Պերոզը: Դա տեղի է ունեցել 484 թ. գարնանը կամ ամռանը:

Պարսիկների պարտությունը արեւելքում բացահայտեց Իրանի արտաքին քաղաքականության ողջ ճգնաժամը: Ամենայն հավանականությամբ, այստեղ իր դերը կատարեց նաև հայկաբանական ապստամբությունը, հայերի ու վրացիների համառ դիմադրությունը: Երբ Պերոզի սպանությունը լուրը հասավ Անդրկովկաս, Շապուհն ու Հաղարավուխտը անմիջապես դուրս հանեցին իրենց զորքերը, իսկ Վահան Մամիկոնյանը հաղթական մուտք գործեց Դվին:

Պերոզի հաջորդն էր նրա եղբայր Վաղարշը (484—488): Եթե հավատանք Ղազար Փարպեցուն, ապա նրա թագավորության հաջորդ օրն իսկ Զորմիհր Հաղարավուխտը խոսք բացեց Հայաստանի մասին: Նրա ասելով՝ ապստամբությունը Պերոզի անմիտ քաղաքականության հետևանք է եղել: Իր կարծիքը հայտնեց նաև մարզպան Դապուհը: Եթե հարաբերություններն այլ լինեին, — ասաց նա, — Հայոց երկիրը կշարունակեր ծառայել պարսիկներին, իսկ դա նշանակում է, որ նաև Վիրքն ու Աղվանքը բռնած կլինեին Կույն գիծը, «զի յորժամ Հայք այնպիսի որերով մեր էին՝ Վիրք և Աղուանք չիշխին բնա թիրեկ զանծինս և այլազգադոյնս ինչ խորհել» (էջ 159. 27—28): Եվ ահա Վաղարշը Հայոց աշխարհ է ուղարկում Նիխոր Վշնասպադատին՝ «զայր հեղ և զմտացի և աշխարհաշէն»: Շահանշահը կարգադրում է. «Ե՛րթ ի Հայս, և որ ինչ օրինական և է՛ ամենայն քաղցրութեամբ և սիրով րստ կամոցն Վահանայ և նորուն ընկերակացն՝ նուաճաղ զորեարն և յԱրեաց ի ծառայութիւն տ՛ժ» (էջ 159. 36—39): Խաղաղ բանակցությունն արդյունքներն ապահովելու համար Նիխորն իր հետ ունեցել է մեծ զորաբանակ:

Նիխոր Վշնասպադատը փորձ շարեց մտնել Հայաստանի խորքը, այլ կանգ առավ Նվարսակ գյուղում, Ասուրպատականի և Հայոց աշխարհի ուսման ոգծի մոտ: Հենց այստեղ էլ սկսվեցին բանակցությունները նրա և սպարապետի միջև: Ղազար Փարպեցին մանրամասն նկարագրում է բանակցությունների հաջորդակցությունն ու կարգը, վերաբերվելով մասնակիցների ձառերը և այլն: Շատ բան այստեղ պայմանավորված է «Պատմության» մանրային պատկանելության մասը, սակայն հիմք չունենք կարծելու, թե բանակցությունների էությունը հաղորդելիս Նիխորի շեղվում է ճշմարտությունից:

Կողմերը դեռևս չեն վստահում մեկը մյուսին, ուստի կարծիքների փոխանակությունը կատարվում է միջնորդների մասնակցությամբ: Ընթացքը սկսվեց եթե ոչ հոգուտ հայերի էր: Վահանը հանդես է գալիս եթե ոչ որպես հաղթող, ապա ոչ էլ պարտված: Խաղաղությունը հնարավոր է և ցանկալի, հայերը պատրաստ են կրկին անցնել արքայից արքայի «հառաքյալությանը», սակայն անհրաժեշտ է դրա համար ուսպահել երեք պայման: Այդ պայմաններն են՝

1. Պարսիկները հարգում են «զհայրենի և զբնիկ օրէնս մերս», հայերին «մոզ» (այսինքն՝ ջրաղաշտական, կրակապաշտ) չեն դարձնում, մոզություն համար զահ և պատիվ չեն շնորհում: Կրակատները վերացվում են, իսկ քրիստոնեական կարգը լրիվ վերականգնվում:

2. Մարդկանց զնահատելիս հարկավոր է զանազանել «լավերին»՝ «վատթարներից», «տոհմիկներին»՝ «անտոհմիկներից» և այլն, դրանից կշահի հենց Արյաց աշխարհը:

3. Արրայից արքան պիտի անձամբ խորամուկս լինի Հայաստանի զործերին. ամեն ինչ զիտի իր աչքով, լսի իր ականջով և խոսի իր բերանով:

Բանակցությունների և հետագա տնտեսական հանդիպման պահին Վահան Մամիկոնյանը հանդես է գալիս արժանապատվությամբ³⁵, Նիխորի բանակին նա մոտեցավ մեծ հանդիսավորությամբ՝ անձամբ գլխավորելով ջոկատը, նրա մարդիկ՝ լրիվ զինված, բացի այդ, Վահանը հրաման էր տվել, որ հենց նա պատերազմական փողեր: Պարսիկների մոտ կասկած առաջա-

35 Արժանապատվության զգացումն ուսկա է նաև Ղազար Փարպեցու Թղթում: Այդ գիծը, ըստ Նեղինակի՝ բնորոշում է մարդու բարոյագիտական կերպարը: Անկախ նրանից, թե որքան հարազատ են Վահանի ճառերը, նրանք եզակի են հայ գրականության մեջ հենց այդ, վառ արտահայտված արժանապատվության երանգով: Գրականագիտությանը մնում է գտնել այդ կերպարը հանգամանքի արմատները:

ցավ իհնչ նպատակով է դալիս Վահանը, և նրանք բողոքեցին՝ այդպես կարող է իրեն պահել Արյաց (այլ ոչ թե Հայոց) սպարապետը՝ Վահանը պատմությանեց, որ Արյաց աշխարհի օրենքներին ինքը լավատեղյակ է, իսկ հրաման տալը վաղուժամ է, հարկավոր է նախապես նրան դարձնել շահանշահի ծառա (նախ արա զիս Արեաց տեառն ծառայ)։

Անճանական հանդիպումները էական փոփոխություններ չմտցրին։ Վահանը պահանջեց, որ պետի քրիստոնեության ապստամբության հրովարտակը ունենա արքայից արքայի կնիքը, նիխորն րստ երևութին համաձայնեց, սակայն իր կողմից պահանջեց, որ Վահանը հատուկ գունդ ուղարկի Ջարեհի՝ սպանված Պերոզի որդու դեմ, որը խոտվություն էր սկսել իրանում։ Հայոց զույգը ճնշեց ապստամբությունը (նաղմական ծառայությունից բացի, այդ քայլը, ըստ երևութին, զիտվել էր որպես Վահանի հավատարմության յուրատեսակ մի ցույց) (զլ. ՂԱ—ՂԴ)։

Վերջապես, տեղի ունեցավ Վաղարշի և Վահանի անձնակառն հանդիպումը։ Ողջունելով սպարապետին, Վաղարշն ասաց, որ հայերի ապստամբության պատճառը Պերոզի գործած սխալներն են։ Վահանը իր հերթին դատապարտեց սպանված արքայից արքային, շեշտելով, որ եթե նրա բռնապետության մյուս զորքերը նյութապես էին տուժում, ապա հայերը ունենում էին հոգեկան կորուստներ (սխալ զմեզ՝ հոգեվք հարկանէիք», էջ 173. 14)։ Վահանը մանրամասն վերլուծեց այն պատճառները, որոնք հայերին ստիպեցին զենքի դիմել, շեշտեց պարսիկների անարդարացի վարմունքը, նթև պարսիկները ճիշտ զիրք ընդունեն, ապա հայերը կլինեն նրանց զստակների հպատակները։ Վաղարշը համաձայնություն տվեց ճանաչել հայերի բոլոր պահանջները, իր հերթին կրկնեց, որ Պերոզի բռնությունն է եղել ապստամբության պատճառը. այդ արարքի համար հայերը ընդմիշտ թողություն են ստանում։ Բայց հայերը պիտի լինեն իրենց տերերի հավատարիմ ծառաները (զլ. ՂԵ)։

Վահանը ճանաչվեց Մամիկոնյանների տանուտեր, հաստատվեց, ըստ նրա նախնիների Երինակի, հայոց սպարապետ (հետաքրքիր է, որ հոր շահանշահը նորոգում է իր նախորդի որոշումները, որոնք, ըստ երևութին, ապստամբություն պատճառով համարվել էին չեղյալ)։ Ճանաչվեցին նաև Վահանի չինակիցների իրավունքները։ Որոշվեց կամսարական տոհմի տանուտերը (Սահահիր)։ Ինչ վերաբերում է Արծրունիներին, ապա արքայից արքան հետաձգեց հարցի լուծումը, մինչև որ այդ տոհմը իր վաստակներով արժանանա արքայական շնորհին (զլ. ՂԶ)։

Հրամաշտ տալով արքայից արքային, Վահանը վերադառնում է հայրենիք։ Նրան ընդառաջ է գուրս գալիս կաթողիկոս Հռոման Մանդակունին, միասին նրանք մտնում են Վաղարշապատ։ Վահանը նվիրատվություն է անում կաթողիկե եկեղեցուն և սուրբ կույսերի տաճարներին, եկեղեցիներում այդ օրերին ձոխ արարողություններ են լինում, որից հետո Վահանը հանգիստվոր կերպով մուտք է գործում Հայոց աշխարհի «բուն ոստանը» (տվյալ զեպքում մայրաքաղաքը)՝ Իվին։

Իվինը, անշուշտ, եղել է նաև հոր մարդպան Անդեկանի հստավայրը։ Ապստամբությունը առարովել էր, սրբսից արքունիքի հետ բարի հարաբերություններ էին սահմանվել։ Արձանադրելով մթնոլորտի փոփոխությունը, Ղազար Փարսեցին մարդպանի մասին ասում է, որ նա եղել է «այր խելացի, մտադիր, իմաստահայեաց, որ զիտէր ճանաչողութեամբ որոշել զիմաստունն յանմտէն և զլաւն ի վատթարէն»։ Անդեկանի և Վահանի միջև հաստատվեցին, ըստ մեր պատմիչի, բարեկամական հարաբերություններ։ Հայոց աշխարհում սիրեց խաղաղություն։ Իսկ 485 թ. (°) Հայոց մարդպան նշանակվեց երբեմնի ապստամբ Վահան Մամիկոնյանը։

V դարի հակասասանյան առաջին և երկրորդ ապստամբություններն իրենց էությունով շատ մոտ լինելով, ունեցել են միանշանակ տարբեր ընթացք։ Առաջինը տեղի է ունեցել մեկ տարի՝ 450 թ. առաջն ամիսներից մինչև 451 թ. մայիսը։ Երկրորդի տևողությունն է մոտ երկու տարի. այն սկսվել է 482 թ. և ավարտվել 484 թ. կեսին³⁶։ Առաջին ապստամբության համեմատ, երկրորդը եղել է ավելի զանգվածային, տարածվել երկրով մեկ։ Եթե Վարդանանց պատերազմը զաչխաժորապես Ավարայրի հակառակմարտն է, ապա Վահանի ապստամբության ընթացքում, չհաշված բաղմաթիվ փոքր բախումները, տեղի են ունեցել երեք մեծ ճակատամարտ՝ Ակոռիի,

36 Ինչպես ասացինք վերևում, Վաղգենի սպանությունը, որից և սկսվել է ապստամբությունը, տեղի է ունեցել Պերոզ արքայի 25-րդ տարում։ Այդ տարին ավարտվել է 482 թ. հուլիսի 13-ին (եթե հաշվենք, հետևելով պարսկական տոմարին) կամ հուլիսի 18-ին (ըստ հայկական տոմարի)։

Ներսէսապատի, Ճարմանայի ղաշտի: Առաջին ապստամբությունը գերազանցապես հայկական էր, երկրորդին մասնակցել են թե՛ հայերը, թե՛ վրացիները:

Ղազար Փարպեցու մանրամասն շարադրանքի հիման վրա հնարավոր էր պարզել ազատագրական այս երկրորդ շարժման որոշ առանձնահատկություններ: Երկու կողմերի բախումը ունեցել է զուտ ռազմական բնույթ, նրան մասնակցել են միայն զինվորական ստորաբաժանումներ: Տեղացի բնակչության նկատմամբ որևէ բնական մասին ոչինչ չգիտենք, բացառությամբ մեկ-երկու միջադեպի: Այսպես, 484 թ. զարնանը, երբ ապստամբներն առավել ծանր վիճակում էին գտնվում, պարսից ջոկատները զգրադումս ի ռամիկ մարդկան էլ Հայոց սպանան էին» (էջ 145. 33—34): Դեպքը տեղի է ունեցել Շաղազում՝ գավառում, Հայոց աշխարհի բյուզանդական հատվածում: Խոսվում է նաև այն մասին, որ պարսից զինվորները հարձակվեցին Կարինի մոտերում հունձ անող մշակների վրա, բայց նախարարներին հաջողվեց պաշտպանել դյուղացիներին (էջ 148—149): Այսպիսով, ընդհանուր առմամբ ապստամբության հաջողությունը կախված էր ռազմական գործողությունների արդյունքներից, ընդ որում այդ գործողությունները երկու կողմի էլ վարում էին հետևելով ժամանակի կանոններին:

Ինչպես հայերի, այնպես էլ վրացիների մոտ գլխավոր դերը կատարում էր ալրուսին37, որը կաղմված էր գերազանցապես ազատներից ու նախարարներից. այդ իսկ պատճառով Ղազարի շարադրանքը լի է ազնվական տնտեսների հիշատակությամբ: Բայց ռամիկները ևս մտել են ալրուսի կազմի մեջ (տե՛ս էջ 144. 21—23): Որոշ ակնարկներից կարելի է եզրակացնել, որ թե՛ առաջին, թե՛ երկրորդ ապստամբության շրջանում հատուկ հասարակական դեր են կատարել նաև ռամիկ-շինականները: Այդ մասին անուղղակի կերպով վկայում է նաև հետևյալ միջադեպը: Երբ Վահան Մամիկոնյանը ներկայանում է Նիխոր Վշնասպդատին, վերջինս դորնսպակ գրույցին հետո հրաման է տալիս «տմենայն եկելոցն ընդ Մամիկոնենին Վահանայ՝ նախարարաց և ռամկաց, մտանել յատենան առ նոսա» (էջ 169. 23—24): Իր դերն է կատարել անշուշտ, նաև հոգևորականությունը՝ հայ մարտիկների հետ է եղել ինքը կաթողիկոսը:

Շարժումն անշուշտ միաժույլ չի եղել, ընդ որում «ուրացությունը» չէ միայն, որ վնասել է միասնությանը: 484 թ. ապրիլի 9-ին Վահան Մամիկոնյանի կողմնակիցների և հակառակորդների միջև իսկական պատերազմ է սկսվել (հալթանալ են տարել սպարապետի մարդիկ): Կատարյալ համաձայնություն չի եղել նաև հայերի ու վրացիների միջև: Եթե հավատալու լինենք Ղազար Փարպեցուն, վրաց թագավորը շարունակ խորամանկություններ է արել, զրանով երբեմն վնաս հասցնելով իր զառնակիցներին: Բայց գործը քիչ թե շատ լուրջ բախման չի հասել. հակառակ մասնակի հակասությունների, հայերին ու վրացիներին՝ այդ շրջանում ղեկեն միադավան՝ ամուր կապել է ընդհանուր նպատակը և զրացիական հարաբերությունների բազմադարյան ավանդույթը:

Թվական գերակշռությունը իբրև օրենք պարսիկներին է եղել: Ակոռիի ճակատամարտում 7000 պարսիկ զինվորների ղեմ ղուրս են եկել 400, հետագայում, մսդիսադ Գարջույի ղալանանությունից հետո՝ 300 հայ: 483 թ. Դու գյուղի մոտ տեղի ունեցած մարտում պարսիկների թիվը հասել է հազարների, իսկ հայերինը՝ ընդամենը հարյուրների (էջ 137. 15—16): Կարելի է, իհարկե, նման տվյալների ոտույզ լինելու վրա կասկածել, բայց, բոլոր դեպքերում, փոքրաթիվ ապստամբները զուրս են եկել բազմաքանակ պարսից զորքի դեմ:

482—484 թթ. ապստամբությունը վերացրեց այն տազնապալից Լրևույթները, որոնք առկա էին Հայաստանում շարժման նախօրեին: 9-ը վերացել, անշուշտ, պարսից գերագույն իշխանության լուծը, մնում էին այն հակասությունները, որոնք հասուկ են միջնադարյան հասարակությանը: Այնուհանդերձ, պայքարի հաղթական ավարտը լիցքավորեց, բարոյական նոր ուժ տվեց հայերին: Նույնը կարելի է ասել նաև հարևան վրացիների մասին: Ինքնավարության վերականգնումը պատմական զարգացման ինքնուրույն ուղի տալահովեց թե՛ հայերի թե՛ վրացիների համար: Այդ է եղել 482—484 թթ. ապստամբության ամենից կարևոր արդյունքը:

37 Վահանի ղորքը եղել է շարժունակ. սպարապետը հեշտությամբ տեղափոխում է այն Այրարատից դեպի Տայք, անցնում պարսկա-բյուզանդական սահմանը, իսկ երբ իրադրություններ փոխվում է՝ անմիջապես վերադառնում Դվին:

АРМЯНО-ГРУЗИНСКОЕ ВОССТАНИЕ ПРОТИВ ВЛАДЫЧЕСТВА
САСАНИДОВ (482—484 гг.)

Доктор ист. наук К. Н. ЮЗБАШЯН (Ленинград)

Резюме

Второе восстание против Сасанидов (482—484 гг.) было вызвано, по существу, теми же причинами, что и первое (450—451 гг.), — экономическим гнетом, нарушением традиционной внутренней структуры общества, религиозными гонениями. Широкие размеры приобрело отступничество от христианства. Появилась своеобразная прослойка отступников, составивших основу власти персидского царя царей. Все это наносило удар по самоуправлению народов южного Предкавказья, в той или иной мере оказавшихся в зависимости от Ирана.

Статья содержит сопоставительный анализ движений 450—451 и 482—484 гг., в ней подробно излагаются перипетии второго восстания, оцениваются его результаты.